

ՎՃՌԱԿԱՆՈՒԹՅՈՒՆ Է ՊԵՏՔ

«Մուկովսկին նովոստի» պարբերականում հրատարակված «Դա շրջափակում չէ» վերնագրով հարցազրույցը կարդալիս իմ մեջ հարց առաջացավ. ինչպե՞ս կընկալի ընթերցողը Ադրբեջանի ժողովրդական ճակատի (ԱԺԾ) անդամ Լ. Յունուսովայի հայտարարությունը, թե Հայաստանի նկատմամբ իրենց արածը շրջափակում չէ, այլ պարզապես իրենք այլևս չեն տալիս այն, ինչ տվել են տարիներ շարունակ: Ստացվում է, որ շրջափակման օրերին Ադրբեջանի երկաթուղային գրծերում իրար գլխի՝ հակաբլաված հարյուրավոր զնացքների պարունակությունը Ադրբեջանի Հանրապետությունից մեզ տրվող ապրանքներ են եղել: Ուրեմն մեզ տարիներ շարունակ պահել ու կերակրել է մեր հարևան հանրապետությունը, և մենք չե՞նք իմացել: Ուրեմն մենք այնքան կախված վի-

ճակում ենք նրանից, որ այժմ կարելի է լրիվ տնտեսական բլոկադայի՝ ենթարկել մեզ: Ինչքա՞ն ամբարտապան պիտի լինի մարդը, որ, մեղանշելով ճշմարտության դեմ, ամեն ինչ գլխիվայր ներկայացնի: Այդ նյութից իմանում ենք (այլ աղբյուրներից էլ գիտենք), որ Ադրբեջանի Գերագույն խորհուրդը իր արտահերթ նստաշրջանում որոշում է ընդունել լուծարքի ենթարկել ԼՂԻՄ-ի Հանտուկ կառավարման կոմիտեն, ապա, ԱԺԾ-ի ճնշմամբ, նույն նստաշրջանում օրենք է ընդունել հանրապետության սուվերենության մասին: Լ. Յունուսովան ընդգծում է, որ մինչ այդ օրենքն ընդունելը Կենտկոմի առաջին քարտուղար Վեգիրովը փորձել է ուժի դիրքերից կարգի հրավիրել ԱԺԾ-ի անդամներին (որպես սանձարձակների), սակայն տեղնուտեղը սկսված հանրապետական գործադուլը ստիպել

է առաջին քարտուղարին ենթարկվել ժողովրդի ներկայացուցիչների կամքին: Զե, մեզ դժվար է համոզել, որ այդ փաստաթղթերն ընդունվել են հանրապետության ղեկավարության կամքին հակառակ, ներքևից գործադրված ուժի ազդեցությամբ: Դա ևս մեկ քաղաքական խաղ է, որով մեր հարևանները փորձում են կատարվածին ժողովրդական բնույթ հաղորդել: Ժողովուրդն ասում է. «Երեխային երես մի տուր, որ չդառնաս նրա կամակատարը»: Սուվազդիթում կատարված ուժգործությունը երեխայի խաղ համարվեց կենտրոնական ղեկավար մարմիններում: Իսկ «երես առած երեխան» ավելի մեծ համարձակություն ստացավ իր նկատմամբ ցուցաբերված ներողամիտ վերաբերմունքից: Հիմա նրա հետ մարդկային ոչ մի լեզվով չես կարող խոսել: Ամենագագրելի

կեղծիքն ու սուտը, նենգությունն ու ստորությունը՝ դարձան նրա գեները: Փորձիր ապացուցել, որ՝ սևը, իրոք, սև է, սպիտակը՝ սպիտակ: Ծփացած «երեխան» կպնդի, որ դու սխալ ես, ճիշտը դրա հակառակն է: Եվ էլի գտնվում են մարդիկ (այն էլ՝ ազդեցիկ դիրքի), որ ցույց են տալիս, թե հավատում են այս զավեշտին: Իսկ մենք ո՞ւմ հավատանք: Ո՞ւմ և ինչպե՞ս հավատանք, երբ մեր «միջնորդ դատավորները» խոսքները մեկ արած կրկնում են, թե «երկու կողմերն էլ հավասարապես մեղավոր են»: Երկու կողմերի մեղքերի միջև հավասարության նշան դնելը նույնպես քաղաքականություն է, կասե՛ի թույլի, վճռականություն չունեցողի քաղաքականություն: Բայց կեղծ հաշտաքարի այդ դիրքորոշումը չի նպաստի պըրորելնի լուծմանը: Վճռականություն է պետք, ճշմարտության, արդարության վրա հենված վճռականություն:

Մ. ԽԱՉԱՏՐՅԱՆ

ՈՒՐ ՄԵԱՅԻՆ ԲԱՐՁՐԱԳՈՉ ԼՈՉՈՒՆԳՆԵՐԸ

1988 թ. նոյեմբերին ստիպված թողեցի տունուտեղս Բաքվում, 48 տարիների ընդհանուր և 35 տարիների նավթարդյունաբերության մեջ կատարած աշխատանքիս (ավագ ինժեներ) արդյունքը և «փախըստական» սրտանմիկ անվան տակ ընտանիքով եկա Հայաստան:

վա ապրուստի հոգսը չեն կարողանում հոգալ: Վիրավորանքը, սուուծելը, հանցագործության նկատմամբ օրենքն իր ողջ խստությամբ չկիրառելը ցավ են պատճառում ինձ ու ինձ նմաններին: Ախր, խորհրդային երկրում, երկիր, որը տասնյակ տարիներ իրեն ներկայացրել է որպես ժողովուրդների իսկական բարեկամության միություն, ինտերնացիոնալիզմի դպրոց, այդ ինչպե՞ս հնարավոր եղավ այսպիսի հակամարդկային արարք կատարել: Ո՞ր մնացին բարձրագույն լուզունգներն ու հավաստիացումները «ինտերնացիոնալիստ Ադրբեջանի» մասին: Զե՛ որ արցախահայությունը սահմանադրական ազնիվ ճանապարհով առաջ քաշեց իր պահանջը: Ինչո՞ւ դա ընդունվեց թե՛ նամակով և արյունահեղությամբ: Հիմա էլ, երբ գրեթե այլևս հայ չի մնացել հանրապետությունում, որ նրանց վրա ուժ գործադրեն, մեր «ինտերնացիոնալիստ» հարևանները շեշտը դրել են տնտեսական շրջափակման վրա: Աղպիսի միջոցներով նպատակին հասնելը անբարոյականություն է: Կգա ժամանակը, երբ իրենք՝ այս ամենի նախաձեռնողները, երևի կզիտակցեն իրենց արածի հետևանքը և ողջ պատասխանատվությունը, որովհետև կատարվածը հարևանի հետ համակեցության ոչ մի կանոնի չի համապատասխանում: Լավ չի՝ լինի պատասխանատվության բեռը չձանրացնելու համար կանգ առնել կես ճանապարհին:

Ա. ՆԱՉԱՏՐՅԱՆ

ԱՅՍՕՐ ՄՏԱԾԵՆՔ ՎԱՂՎԱ ՄԱՍԻՆ

Պաշտոնական զրույցներում, թե ստորյա խոսակցության մեջ մեր յուրաքանչյուր երկրորդ խոսքը Հայաստանի և Ադրբեջանի այժմյան հարաբերությունների մասին է: Արցախի և Հայաստանի շրջափակումը լուրջ հետևություններ անելու անհրաժեշտություն է առաջադրում: Մենք հիմա ենք նկատում, որ հանրապետության հիմնական ճանապարհը երկրի մյուս շրջանների հետ անցնում է Ադրբեջանով, և դրա խախտումը կարող է ծանր հետևանքներ ունենալ մեզ համար: Մինչ այս չէինք նկատել: Հիմա դառը փորձով համոզվեցինք, թե ինչ է նշանակում այդ ճանապարհ չունենալը (Անդրերկաթուղու՝ Թբիլիսիից եկող երկաթուղագիծը որքան էլ կարևոր դեր խաղաց այս օրերին, այնուամենայնիվ, տեխնիկական իր հնարավոր

ությունների սահմանափակությամբ չի կարող փոխարինել «մեծ ճանապարհին»): Ահա առաջացել է հուսալի ճանապարհ ունենալու խնդիրը: Կարծում եմ, հարկ է մտածել քարեկամական, եղբայրական Վրաստանով դեպի երկրի կենտրոն տանող նոր երկաթուղագիծ կառուցելու մասին: Սա դժվար խնդիր է, ֆիզիկական և նյութական մեծ ծախսեր է պահանջում, բայց հրամայական է:

Զիքը, որ Վրաստանով մեք անցուղարձը ապահով կլինի: Եվս մեկ հարց. Արցախի պրոբլեմի քաղաքական լուծման քաշքշուկը, ըստ էության, երկրի մյուս ժողովուրդների կողմից հարցին անբավարար տեղյակության հետևանք է: Ծատ քչերը գիտեն, թե ինչ է կատարվում Արցախում, և արցախցին բարոյական ինչ հիմքեր ունի իր պահանջի մեջ: Պատճառը լրմտվական յուրօրինակ շրջափակումն է: Աղավաղվում են դեպքերը, շահագրգիռ կեղծով մեկնաբանվում: Կենտրոնական թերթերն ու լրատվության մյուս միջոցները չեն ուզում խորանալ իրադարձությունների բուն էության մեջ: Ընթերցողին հասնում է կիսաճշմարտությունը (լավագույն դեպքում): Նույնիսկ ԽՍՀՄ Գերագույն խորհրդի դեպուտատները հնարավորություն

չունեն (ճնշող մեծամասնությունը) իմանալու՝ ինչ է ներկայացնում իրենից արցախյան պրոբլեմը: Ի՞նչ նպատակ է հետապնդում այսպիսի վերաբերմունքը: Արդյո՞ք միայն պրոբլեմի լուծումը փակուղի մտցնելու ձեռնարկ: Համենայն դեպս, դեպքերի ընթացքը մեզ իրավունք է վերապահում այլ կասկածներ էլ ունենալ... Մեր մտավախությունը վերահաս վտանգից հաճախ քամահրանքով է ընդունվում վերևներում, բայց ինչո՞ւ չտեսնել, չլսել այն, ինչ բացարձակորեն գրում են մեր հարևանները: Վաղը ուշ չի՝ լինի խոստովանել, որ աշայուրջ չենք եղել...

Ա. ՓԻՐՈՒԶՅԱՆ
Բարբյուսի փող. № 9 տան բնակիչ